



## Universitätsbibliothek Paderborn

**Floremundi Raemundi V. Cl. Olim Consiliarii Regis  
Galliarvm Ex Calviniano Catholici Synopsis Omnia hujus  
temporis Controversiarum tam inter Lutheranos,  
Calvinistas quam alios plurimos. Sive Historia ...**

**Raemond, Florimond de  
Coloniae Agrippinae, 1655**

III. Comes Palatinus abdicato Lutheranismo Caluinismum amplectitur.

**urn:nbn:de:hbz:466:1-10880**

epistola ad Ducem Wirtembergicum conqueratur, articulum de Cœna Domini in Confessione illa non satis dilucide esse explicatum, quem tamen ait in Synodo aliqua legitime congregata plenius ac melius explicari posse. Id nihilominus tunc ea Confessionis sua amphibologica exhibitione Calvinista effecerunt, ut Melanchton Sacramentariis Zwinglianis, & in eis Beza anathema dicere noluerit, & Genevenses Beza artibus Augustana Confessioni sese insinuaverint, ac sub eius nomine latuerint, quo scilicet tanto facilitius a Protestantibus auxilia impetrarent, de quibus alibi opportunitas erit dicendi locus. Nunc paucis mores hujus Protei indicare volui: qui ad suos rever-sus factum hoc suum zelo fratribus è captivitate & miseria liberandorum excusavit quidem, non tamen omnibus probavit.

III. Elector Palatinus, lectis Calvini libris ejusque Catechismis in Germanicam linguam translatis, tum frequentibus Calvini, nullam occasionem prætermittentis, epistolis sollicitatus, ac præterea Lutherana religionis, cui novitatis gratia jam decesserat, sicut, uti Pater ejus Joannes II. avis sui Joannis I. ita & ipse patris sui religionem deferebat, & Calvinismum amplecti statuit. Lutherani doctrinam hanc à Clebrio etate & ingenio feroci homine primò in Palatinatu sparsam ac traditam ferunt. Sed & Melanchthon, a quo Princeps per litteras consilium rogaverat, Sacramentariorum partibus favisse dicitur; eoque nomine hodieque apud Lutheranos execrationi habetur. Quum vero neminem in tota Germania reperiret, qui ad hoc reformati munus satis videretur idoneus, à Calvino hominem aliquem, sanctæ, ut ipse censebat quidem, sed lubrica ac periculosa provinciæ parens mitti sibi petiit. Non enim ignorabat, huic suo instituto omnem fere Germaniam, tum in primis principios Augustana Confessionis doctores adversarios. Calvinus, habitu juventutis in sua schola educatae delectu, Danicem Tossanum Aurelianensem, satis postea Germania notum, ad hanc provinciam delegit, & præceptis bene oneratum dimisit: cui Rheni Palatinatus Calvinismum debet acceptum. Is postea hinc inde ac præsertim Basilea, laboris sibi socios adscivit, & Princeps iussu per oppida & agros passim distribuit, cum mandato, ut subditi aut novam illam Genevensem Confessionem, Verbo Dei, scilicet, conformem, amplectentur, aut cum rebus suis alio commigrauerint. Hoc modo Calvinismus in Palatinatum Electoralem fuit introductus. Ceterum hac de mutatione certior factus Joannes

Fridericus Dux Saxonie Vinarius Princeps Lutheranus, qui filiam Palatini Elisabeth dictam An. 1558. pridie Id. Jun. ducem in matrimonio habebat, ægerime factum hoc tulit, ipseque Heidelbergam profectus, Theologos aliquot, inter quos erant Maximilianus, Martinus, & Joannes Stollzili, secum adduxit, qui cum novis illis Calvinisticis Prædicantibus de controversis inter eos religionis articulis conferrent. Inter hos quum Thomas Erasmus Princeps Medicus & in Philosophia exercitatus disputandi in se provinciam suscepisset, Stollzili, Facile iam, inquit, video, vestram caussam male habere, ut qua Medicis opus habeat. Sed in hac tota re non Deo gloria, sed suum quisque honorem ab utraque parte quærebant.

IV. Sed quemadmodum Friderici Princeps le-vitas Calvinismo aditum aperuit; ita successoris Ludovici V. inconstancia nondum adultum ex omni ditione rursus profligavit: Triennio enim post Fridericus II. mortuus tres filios reliquit, Ludovicum, Joannem Casimirum & Christophorum: quorum duo natu minores Calvinismum sequebantur, ille vero, in quem ut natu majorē tam imperium quam dignitas Electoralis derivata fuerat, rerum potitus nihil prius habuit quam ut Calvinismo, quem numquam approbaverat, ejecto, avi religionem sive Lutheranismum velut postliminio restitueret. Sic igitur Calvinistis qui cum Tossano Geneva & aliunde venerant, cedere coactis, & in eorum locum Lutheranis substitutis, in templo Heidelbergæ primario, quod S. Spiritui dedicatum est, Princeps mandato organa Musica, baptisteria, altaria, Crucifixi imagines, & alia ornamenta Ecclesiastica, quæ Calvinista, quibus scica, macra, & omnibus ceremoniis denudata placet religio, penitus amoverant aut confregerant restitura sunt. Quinetiam ut calices aurei & argentei fierent ad Cœnæ Dominicæ usum, viritim indictum fuit tributum: quos deinde post mortem Ludovici Joannes Casimirus involavit, & in alias usus convertit. Ad Calvinisticam enim cœnam vitrum aliquod vilis precii, ut quibus merum vinum contineri & propinari debet, sufficit, & quorum Deus vasa pre-ciosa ad sui cultum minime desiderat. Nec vero Heidelbergæ tantum, sed & per universum Palatinatum reformatio hæc instituta & exequutioni mandata fuit, additomandato, ut subditi omnes abjecta Calvinistica, quam vix primis labris degustarant, Lutheranam religionem amplectentur. Sed paucis post hanc reformationem annis Ludovicus

F 2 quo-